

Er Coffadwriaeth Barchus a  
 Serchog am yr  
**Ihenadur Edw. Hooson, V. Th.**

VICTORIA HOUSE, RHOSLLANERCHRUGOG.

Ganwyd Mehefin 2il, 1843,  
 Bu farw Mai 22ain, 1904.


*Gwasanaethodd yn Eglwys y Capel Mawr yn  
 nodedig o ffyddlon am 31 mlynedd fel Ysgrifenydd,  
 ac am 29 fel Blaenor.*



**Rhestr o Emynau**

A genir yn y Claddedigaeth, Mai 26ain, ac  
 yn yr Oedfa Goffadwriaethol hwyr  
 Sabbath, y 29ain.

## Emynau & Coffadwriaethol.



### 1. *Llyfr Hymnau 806 (320).*

MOR ddedwydd yw y rhai, trwy ffydd  
Sy'n myn'd o blith y byw ;  
Eu henwau'n perarogli sydd,  
A'u hân, mor dawel yw !

Ar ol eu holl flinderau dwys,  
Gorphwyso maent mewn hedd,  
Yn mhell o swm y byd a'i bwys,  
Heb boen, yn llwch y bedd.

Llais un gorthrymydd byth ni ddaw  
I'w deffro i wylaw mwy,  
Na phrofedigaeth lêm, na chroes—  
Un loes ni theimlant hwy.

### 2. *Llyfr Hymnau 880 (623).*

O S rhaid wynebu'r afon dónog,  
Mae un i dóri grym y lli',  
Iesu, f' Archoffeiriad ffyddlawn—  
Dyna ddigon byth i mi ;  
Yn Ei waed caf waeddi, Concwest  
Ar angeu, uffern, byd, a'r bedd !  
Tragwyddoldeb byth heb bechu,  
Yn ogoneddus ar Ei wedd.

Yn lle cario corph o lygredd,  
Caf gyd-dreiddio â'r cor sydd fry  
I ddiderfyn ryfeddodau  
Iachawdwriaeth Calfari ;  
Byw i wel'd yr Anweledig,  
Fu farw, ac sydd etto'n fyw ;  
Bythol, anwahanol undeb,  
A chymdeithas â fy Nuw.

3.

*Llyfr Hymnau 884 (727).*

**F**E ro'ed imi ddymuniadau  
Nad oes dim o fewn y byd,  
Yn y dwyrain a'r gorllewin,  
A all hanner lanw 'mryd :  
Tragwyddoldeb,  
Yno llenwir fi yn llawn.

Mi gaf yn y wlad 'rwy'n myned  
Waredigaeth lwyr o'm poen ;  
Gorphwys draw i derfyn gofid  
Gyda'r addfwyn, anwyl Oen :  
Ni ddaw tristwch,  
Fyth i mewn dros furiau'r nef.

4.

*Llyfr Hymnau 494 (14).*

**T**RIG gyda mi, fy Nuw, mae'r dydd yn ffoi,  
Cysgodau'r hwyr o'm hamgylch sy'n  
Diflana nerth y ddaear hon a'i bri, [crynhoi ;  
Cynorthwy'r gwan, O ! aros gyda mi.

Yn brysio at ei derfyn mae fy nydd,  
Mwynhad y byd a'i barch yn cilio sydd ;  
Yn wyw a gwael try pob peth ; ond Tydi,  
Y Digyfnawid, aros gyda mi.

Rho wel'd Dy groes yn yr Iorddonen gref,  
Trwy'r niwl, cyfeiria'm golwg tua'r nef ;  
Tyr gwawr y nef, cysgodau'r hwyr a ffy,  
Wrth fyw, wrth farw, aros gyda mi.

5.

*Llyfr Hymnau 390 (912).*

**Y**GWR a fu gynt o dan hoelion,  
Dros ddyn pechadurus fel fi,  
A yfodd y cwpan i'r gwaelod,  
Ei Hunan ar ben Calfari ;  
Ffynhonell y cariad tragwyddol—  
Hên gartre' meddyliau o hedd ;  
Dwg finnau i'r unrhyw gyfammod,  
Na thórir gan angau, na'r bedd !

6.

*Llyfr Hymnau 885 (774).*

**G**WEL uwch law cymylau amser,  
 O fy enaid! gwel y tir,  
 Lle mae'r awel fyth yn dyner,  
 Lle mae'r wybren fyth yn glir :  
 Hapus dyrfa!  
 Sydd yn nofio yn Ei hedd.  
 Nid oes yno neb yn wyllo,  
 Yno nid oes neb yn brudd,  
 Troir yn fêl y wermod yno,  
 Yno rho'ir y caeth yn rhydd!  
 Hapus dyrfa  
 Sydd â'u trigfa yno mwy.

7.

*Llyfr Hymnau 878 (629).*

**O**! ddedwydd ddydd! tragwyddol orphwys  
 Oddiwrth fy llafur, yn fy rhan,  
 Yn nghanol môr o ryfeddodau,  
 Heb waelod, terfyn byth, na glân:  
 Mynediad helaeth mwy i bara  
 O fewn trigfanau Tri yn Un ;  
 Dwfr i nofio heb fyn'd trwyddo,  
 Dyn yn Dduw, a Duw yn ddyrn.  
 Byw heb wres na haul yn taro,  
 Byw heb ofni marw mwy ;  
 Pob rhyw alar wedi darfod,  
 Dim ond canu am farwol glwy ;  
 Nofio yn afon bur y bywyd,  
 Bythol heddwch sanctaidd Dri,  
 Dan dywyniadau digynylau  
 Gwerthfawr angau Calfari.

8.

*Llyfr Hymnau 809 (430).*

**B**YDD myrdd o ryfeddodau  
 Ar doriad boreu wawr,  
 Pan ddelo plant y tónau  
 Yn iach o'r cystudd mawr ;  
 Oll yn eu gynau gwynion,  
 Ac ar eu newydd wedd,  
 Yn debyg idd eu Harglwydd  
 Yn d'od i'r lân o'r bedd.

**Anthem—' Dyddiau dyn sydd fel glaswelltyn.'**